

4 Vokabulario

Selva tropikal

Figurá bo un lugá na mundu kaminda solo ta bria henter aña i áwaseru ta kai tur dia. Un lugá ku ta asina húmedo ku bo paña ta plak na bo kurpa despues di algun minüt. Un lugá kaminda palu ta krese ku ta mes altu ku un raskashelu, esta un edifisio di hopi piso. Un lugá kaminda aire ta yená ku flúitmentu i gritamentu di animal eksótiko. Bo tin gana di bishitá un lugá asina? Ban ku mi. Nos ta bai tira un bista den un selva tropikal.

Na mundu tin algun área kaminda bo ta haña selva tropikal. E áreanan akí na Afrika, América Sentral, Suramérika, Asia i Australia ta keda den e zona ekuatorial. Ei semper ta hasi kalor.

Laga nos drenta selva tropikal awor. Bo ta mira ku palu i maña ta krese den kuater diferente nivel. Suela di selva ta e nivel di mas abou. Akí varen, mós, parasòl di zumbi i hongo ta krese bon. Wak! Lisimbein, araña, tòr, krika, vruminga i tur sorto di sapu tambe ta biba ei. Tin sufisiente lugá pa e animalnan mas grandi manera jaguar, tiger, puma, komedó di vruminga gigante i tapir. Hepa! Tene kuidou! No para muchu serka di un riu den selva sin paga tinu. Bo tin chèns ku un kaiman ta sorprendé bo.

E siguiente nivel den selva nos ta yama e kapa intermedio. E nivel akí ta masha húmedo. Ei tin mata i palu mas chikí ta krese.

Riba e kapa intermedio bo ta haña e kapa korona. Si bo logra subi sinta riba un takí den

un di e palunan grandi ei, bo ta mira mas bida ku kualke otro kaminda den selva. Makaku i hopi animal akrobátiko mas ta zuai di un palu pa otro. Kolebra ta lora nan kurpa rònt di taki. Tur sorto di insekto, para i barbulètè kolorido ta bula bai bin. Mayoría di e animalnan akí nunca no ta tuma e molèster di bai un nivel mas abou. E simpel motibu ta, ku tin basta kuminda pa nan den e palunan altu.

E nivel di mas ariba den selva tropikal nos ta yama kapa superior. Ei palu gigante di mas ku setenta meter ta sali riba tur otro palu den selva. Algun tipo di makaku, águila, raton di anochi i vários sorto di barbulètè ta den nan ehehe aki.

Den e selvanan tropikal tin algun tribu ta biba. Hopi di e hendenan akí nunca no a sali for di e selva. Nan ta biba manera nan antepasadonan. Selva ta duna nan tur loke nan mester: fruta, sereal, karni, piská, mata medisinal, paña, hèrmènt i hopi otro kos mas. Hende sabí ta suponé ku tin mas tribu den selva ku ainda nos no sa di nan eksistensia.

Un selva tropikal ta un lugá mágiko kaminda hende i animal ta biba den harmonia ku naturalesa. Laga nos pèrkurá pa esei keda asina!

• eksistensia

• kapa korona

• kapa superior



Un ... ta un boske enormemente grandi.



Bo ta haña selva tropikal den e ... Ei semper ta hasi kalor.



Un selva tropikal tin kuater ... òf kapa. Suela ta esun di mas abou.



Riba e kapa intermedio tin e ... Ei vários tipo di makaku i hopi animal mas ta biba.



E nivel di mas ariba den selva nos ta yama ...



Kasi sigur tin mas tribu den selva ku nos no sa di nan ... ainda.

Tarea 1

Kíko bo ta yena?

- Lesa e frase bou di kada pintura.
- Buska e palabra ku falta, den e rei akí bou.
- Skibi e palabra den bo skref.

• nivel

• selva tropikal

• zona ekuatorial



5c Kua palabra bo ta yena?

- Skohe i yena e palabra korekto.

eksistensia – eksótiko – harmonia – kapa korona – nivel – raskashelu – selva tropikal – tribunan – zona ekuatorial



1. Den un ... tin míles di mata i animal ta biba.
2. Orkidia, palu di kakou, liana i hopi mata ... mas ta krese bon den e ambiente húmedo.
3. Bo ta haña selva tropikal den e ... kaminda ta hasi kalor i awa ta kai tur dia.
4. Den selva tropikal palu i mata ta krese den kuater ...
5. E animalnan ku ta biba den e ..., tin asina tantu kuminda, ku nunca nan no ta baha bai abou.
6. E palunan ku bo ta mira den e kapa superior, ta mes grandi ku un ...
7. E ... ku ta biba den e selvanan tropikal, ta biba manera nan antepasadonan.
8. Vários investigadó ta kere ku tin mas grupo di hende ta biba den e selvanan ku nos no sa di nan ... ainda.
9. Un kos ta sigur, e diferente tribunan i e animalnan ta biba den ... ku naturalesa.